

# Pwyllgor Ymddiriedolaeth Elusennol Ynys Môn

## Cofnodion y cyfarfod a gynhaliwyd ar 18 Ebrill 2017

<b>YN BRESENNOL:</b>	Victor Hughes (Cadeirydd) T Ll Hughes MBE (Is-Gadeirydd)
	Lewis Davies, Jim Evans, Llinos Medi Huws, Carwyn Jones, H E Jones, Richard Owain Jones, R. Meirion Jones, Alun W Mummery, R G Parry OBE, Dylan Rees, Nicola Roberts, Alwyn Rowlands a Ieuan Williams
<b>WRTH LAW:</b>	Ysgrifennydd, Trysorydd.
	<b>Swyddogion Cyngor Sir Ynys Môn (cyfeirir atynt yma yn ôl teitlau eu swyddi gyda CSYM)</b>
	Rheolwr Gwasanaethau Cyfreithiol (RJ), Swyddog Pwyllgor (MEH).
<b>YMDDIHEURIADAU:</b>	John Griffith, K P Hughes, Vaughan Hughes, G O Jones, P S Rogers a Dafydd Rhys Thomas
<b>HEFYD YN BRESENNOL:</b>	Neb

---

Dywedodd y Cadeirydd mai hwn fydd ei gyfarfod olaf fel Cadeirydd Ymddiriedolaeth Elusennol Ynys Môn. Roedd yn dymuno diolch i'r Is-Gadeirydd, Mr T. Ll. Hughes MBE a'r Is-Gadeirydd blaenorol, Mr Aled Morris Jones, am eu cefnogaeth. Diolchodd i Aelodau'r Ymddiriedolaeth Elusennol am eu hyder ynddo fel Cadeirydd. Roedd yn dymuno diolch i'r Ysgrifennydd a'r Ysgrifennydd blaenorol, Mr Richard Parry Jones, yn ogystal â'r Trysorydd a'i staff, ac i'r aelodau staff sydd wedi gwasanaethu a gweinyddu'r Ymddiriedolaeth Elusennol yn ystod y pedair blynedd ddiwethaf.

### 1 DATGANIADAU O DDIDDRORDEB

Derbyniwyd y datganiadau o ddiddordeb canlynol :-

Datganodd Mr. Alwyn Rowlands ddiddordeb mewn perthynas ag unrhyw drafodaeth yn ymwneud â'r cais gan Ganolfan Hamdden Biwmares a'r Cylch o dan Eitem 3 - Cofnodion y Pwyllgor Adfywio.

Datganodd Mr. T. V. Hughes ddiddordeb mewn perthynas ag unrhyw drafodaeth yn ymwneud â'r cais gan Gwmni Tref Llangedfni o dan Eitem 3 – Cofnodion y Pwyllgor Adfywio.

Datganodd Mr. T. Ll. Hughes ddiddordeb mewn perthynas ag unrhyw drafodaeth yn ymwneud â'r cais gan Gyngor Tref Caergybi o dan Eitem 3 – Cofnodion y Pwyllgor Adfywio.

Datganodd Mr. Ieuan Williams ddiddordeb mewn perthynas ag unrhyw drafodaeth yn ymwneud â'r cais gan Gyngor Cymuned Llanfair Mathafarn Eithaf o dan Eitem 3 – Cofnodion y Pwyllgor Adfywio.

### 2 COFNODION

Cadarnhawyd cofnodion y cyfarfod arbennig a gynhaliwyd ar 28 Chwefror 2017.

### 3 ADRODDIADAU AR IS-BWYLLGORAU'R YMDDIRIEDOLAETH ELUSENNOL

**Pwyllgor Adfywio**

Cadarnhawyd a mabwysiadwyd, yn ôl y gofyn, gofnodion y cyfarfod a gynhaliwyd ar 24 Chwefror 2017.

Dyweddodd y Trysorydd bod angen i'r Ymddiriedolaeth lawn gadarnhau argymhelliad y Pwyllgor Adfywio i gefnogi 12 o geisiadau grant ond bod yr wybodaeth yn parhau i fod yn gyfrinachol nes bod yr Ymddiriedolaeth wedi gwneud penderfyniad terfynol.

**PENDERFYNWYD cau allan y wasg a'r cyhoedd ac i fabwysiadu'r isod:**

**“Dan Adran 100(A)(4) Deddf Llywodraeth Leol 1972, cau allan y wasg a'r cyhoedd o'r cyfarfod yn ystod y drafodaeth ar yr eitem isod oherwydd y tebygrwydd y câi gwybodaeth ei rhyddhau a honno'n wybodaeth eithriedig fel y'i diffinnir yn Atodlen 12A (Categori 16) y Ddeddf honno.”**

Adroddodd y Trysorydd fod cyfanswm o 31 o geisiadau wedi eu derbyn, gwerth dros £1.6m. Cynhaliwyd cyfarfod o'r Pwyllgor Adfywio ar 10 Chwefror 2017 a 24 Chwefror 2017 i drafod y ceisiadau hynny.

**PENDERFYNWYD cymeradwyo argymhellion y Pwyllgor Adfywio a gynhaliwyd ar 24 Chwefror 2017 fel a ganlyn :-**

• **PROSIECTAU A GYMERADWYWYD**

	Ymgeisydd	Prosiect	Swm a Gymeradwywyd (£)
1	Rheilffordd Ganolog Môn Cyf	Ail agor y lein rheilffordd o Gaerwen i Amlwch.	25,000.00
2	Canolfan Hamdden Biwmares	Costau rhedeg y ganolfan am 12 mis ac ehangu'r cyfleusterau a'r gweithgareddau.	45,000.00
3	Canolfan Ucheldre	Costau rhedeg y ganolfan am 12 mis.	30,000.00
4	Cwmni Tref Llangefni	Ailddatblygu hen adeilad yr Orsaf Rheilffordd.	25,000.00
5	Cyngor Cymuned Llanfair ME	System CCTV newydd.	10,000.00
6	Clwb Bocsiol Caergybi	Estyniad ac adnewyddu'r cyfleusterau.	20,000.00
7	Cadetiaid Môr Caergybi	Ail-doi'r Byncws.	20,000.00
8	Cyngor Tref Caergybi	Ailddatblygu Parc Caergybi ac ehangu Sinema'r Empire.	50,000.00
9	Neuadd Bentref Llanddona	Datblygu Neuadd Bentref newydd	45,000.00
10	Medrwn Môn	Costau rhedeg i gefnogi'r Prosiect Adeiladu Cymunedau.	25,000.00
11	Cymunedau'n Gyntaf Môn	Datblygu Hyb Gwaith a Hyfforddiant.	35,000.00
12	Mind Ynys Môn a Gwynedd	Costau rhedeg am 12 mis.	20,000.00
<b>Cyfanswm</b>			<b>350,000.00</b>

- **Nodwyd y canlynol :-**

**Ni chymeradwywyd 9 o geisiadau a hysbyswyd y sefydliadau unigol.  
Cyfeiriwyd 8 cais i'r Pwyllgor Grantiau Bach.  
Barnwyd bod 2 gais yn anghymwys.**

#### **4 CAU ALLAN Y WASG A'R CYHOEDD**

**PENDERFYNWYD mabwysiadu'r canlynol :-**

**“Dan Adran 100(A)(4) Deddf Llywodraeth Leol 1972, cau allan y wasg a'r cyhoedd o'r cyfarfod yn ystod y drafodaeth ar yr eitem isod oherwydd y tebygrwydd y câi gwybodaeth ei rhyddhau a honno'n wybodaeth eithriedig fel y'i diffinnir yn Atodlen 12A (Categori 16) y Ddeddf honno.”**

#### **5 ADOLYGIAD O LYWODRETHIANT YMDDIRIEDOLAETH ELUSENNOL YNYS MÔN**

Dywedodd y Rheolwr Gwasanaethau Cyfreithiol bod Brown Jacobson LLP angen ychydig o fanylion pellach gan Aelodau'r Ymddiriedolaeth cyn cyflwyno cais i gofrestru'r Sefydliad Corfforedig Elusennol (SCE) gyda'r Comisiwn Elusennau.

**PENDERFYNWYD bod Aelodau'r Ymddiriedolaeth Elusennol yn cyflwyno'r manylion sydd eu hangen ar Browne Jacobson LLP, fel y nodwyd uchod.**

Dywedodd y Cadeirydd ei fod yn pryderu mai dim ond 2 Ymddiriedolwr Annibynnol fydd ar Sefydliad Elusennol Ynys Môn. Nododd ei fod o'r farn y dylai'r Sefydliad Elusennol ystyried cynyddu nifer yr ymddiriedolwyr annibynnol yn y dyfodol.

**Mr. T. Victor Hughes  
Cadeirydd**